

水經注集釋訂訛

水經注卷四

欽定四庫全書

水經注集釋訂訛卷三十三

歸安沈炳巽撰

江水一

岷山在蜀毘氏道縣

今為四川松潘衛治衛本禹貢梁州之域後為氏羌地漢置湔氐道

屬蜀郡唐為嘉域梓州治明置松潘衛屬成都司在成都西北七百六十里

大江所出東南

過其縣北

岷山即瀘山也水曰瀘水矣又謂之汶阜山在徼外

江水所導也益州記曰大江泉源即今所聞始發羊膊嶺下緣崖散漫小大百數殆未濫觴矣東南下百

餘里至白馬嶺而歷天彭闕亦謂之為天谷也

按通典彭

州導江縣西有天彭闕兩山相對如闕州名取此導江即今游縣西北去松潘衛六百餘里非益州記之

所謂天彭闕也

秦昭王以李冰為蜀守冰見氐道縣有天彭

山兩山相對其形如闕謂之天彭門亦曰天彭闕江

水自此已上至微弱所謂發源濫觴者也

荀子云江出汶山其

始發源可以濫觴及其至江之津不方舟不避風不可涉也

漢延平中岷山崩壅

江水三日不流

按漢書五行志成帝元延三年正月丙寅蜀郡岷山崩壅江江水逆流三

日乃通今云延平誤延平乃後漢瑒帝年號延平中無岷山崩壅江事

揚雄反離騷云

自岷山投諸江流以弔屈原名曰反騷也

江水自天彭關東逕汶關而歷氐道縣北

漢武帝元封四年分蜀郡北部置汶山郡以統之縣

本秦始皇置後為昇遷縣也

晉書地理志作升遷縣屬汶山郡

益州

記曰自白馬嶺回行二千餘里

詳下文當作二十餘里

至龍涸

晉之升遷縣後周置龍涸郡今為四川松潘衛

又八十里至西陵縣

按漢志西陵縣

屬江夏郡今之湖廣黃州府黃岡縣也去蜀甚遠不應遽至且下又云南下六十里至石鏡乃成都府之武都山也又云西百二十里至汶山故郡則上必又非西陵明矣或是蠶陵則同為蜀縣未可知耳

南下六十里至石鏡

元和志翼水縣北至翼州六十里石鏡山在縣東南九里大江

水經縣西二百步

又六十餘里而至北部始百許步

汶江為蜀郡北

部都尉治故謂之北部

又西百二十里至汶山故郡乃廣二百

餘步

漢武帝元鼎六年以冉駝地置汶山郡治汶江縣地節三年郡廢縣屬蜀郡建安中先主定蜀

復分置汶山郡治汶江縣今茂州是也其故城在今北三里晉移郡於縣虎縣改汶江曰廣陽屬焉在今州南二百里故謂漢所置曰汶上故郡即宣帝廢為蜀郡北部者也隋改廣陽曰汶山縣復置汶山郡元

和志云汶山即岷山去青城百里

又西南百八十里至濕坂江稍大

矣

元和志濕坂在茂州汶山縣南一百三十七里巖上樹木森沈常有水滴未嘗暫燥故曰濕坂自大

江泉源至江稍大矣皆益州記中語

故其精則井絡纏曜江漢晒靈河

圖括地象曰岷山之精上為井絡帝以會昌神以建

福故書曰岷山導江泉流深遠盛為四瀆之首廣雅

曰江貢也風俗通曰出珍物可貢獻釋名曰江共也

小水流入其中所公共也東北百四十里曰岷山

岷

山在今雅州榮經縣東四十里本名岷窄故岷人窄人界也

中江所出東注于大

江峽山卽峽山也在漢嘉嚴道縣一曰新道南山有

九折坂

明一統志九折坂在卽峽山山路險峻回曲九折乃至山上漢王陽爲益州刺史行部至

此歎曰奉先人遺體奈數乘此險後以病去及王尊爲刺史至此問吏曰此非王陽所畏道耶叱其御曰

驅之王陽爲孝子王尊爲忠臣

夏則凝冰冬則毒寒王子陽按轡處

也平恒言是中江所出矣郭景純江賦曰流二江于

岨峽又東百五十里曰岨山北江所出東注于大江

山海經曰岨山江水出焉東注大江其中多怪蛇江

水又逕汶江道汶出徼外岷山西王輪坂下而南行

汶水一名玉輪江方輿勝覽云在汶川縣北三里明
一統志云汶江在汶川縣治西源出玉壘山入灌縣
元和志玉壘山在汶川縣北四里縣北又東注其縣
去茂州百里本漢縣虜縣地今為保縣

而東注于大江故蘓代告楚曰蜀地之甲浮船于汶
乘夏水而下江五日而至郢謂是水也

又有湔水入焉
湔水在石泉縣治東源出玉壘山東南至江陽縣入江

水出綿道亦曰綿夷縣之玉壘山
夷當作虜按漢志蜀郡縣虜縣玉壘

山湔水所出東南至江陽入呂忱云一曰半沔水也
江今為灌縣及汶川縣地

下注江

江水又東別為沱

開明之所鑿也郭景純所謂五壘作東別之標者也

縣即汶山郡治劉備之所置也渡江有笮橋

禹貢錐指江沱

自古有之華陽國志曰七國時有杜宇稱帝于蜀號望帝其相開明決五壘山以除水害帝遂禪位于開明此說出揚雄蜀王本紀故漢志云汶江縣有江沱在西南東入江夫既為七國時開明所鑿則非禹之江沱亦不辯而自明矣

江水又歷都安縣

縣有桃關漢武帝祠李冰作大堰于此

都安本漢縣虎郡江原三

縣也蜀漢分置都安縣屬汶陽郡晉徙都安于灌口屬汶山郡宋齊因之後周省都安入郾縣唐初于灌口置盤龍縣尋改為導江縣孟蜀置灌州宋時廢置不常元初復置灌州明改州為縣本朝因之故城在

縣東堰在縣西堰于江作壩有左右口謂之湔壩江入郾江

撿江以行舟撿江胡引作撿江益州記曰江至都安堰其右

撿其左其正流遂東郾江之右也因山頽水坐致竹

木以溉諸郡華陽國志曰李冰壅江作壩穿郾江撿江別支流雙過郡下以行舟船蓋以郾

檢為二江檢江即任豫之所謂流江也又有犍尾堰元和志云在導江縣西南二十五里李冰作之以防

江決破竹為龍圓徑三尺長又羊摩江灌江西于玉

女房下

此句疑有譌脫

作三石人于白沙郵郵在堰官上立

水中刻要江神水竭不至足盛不沒要是以蜀人旱

則藉以為溉

阜疑作旱

雨則不過其流故記曰水旱從人

不知饑饉沃野千里世號陸海謂之天府也俗謂之

都安之堰亦曰湔堰又謂金堤左思蜀都賦云西踰

金堤者也諸葛亮北征以此堰農大

胡引作本

國之所資

以征丁千二百人主護之有堰官益州刺史皇甫晏

至都安屯觀坂從事何旅曰今所安營地名觀上夫

在下其徵不祥不從果為牙門張和所殺

按華陽國志云今所

安營地名觀坂自上觀下反上之象其徵不祥今所引頗誤當從志改正

江水又逕臨邛

縣王莽之監邛也

今為四川邛州及諸縣

縣有火井鹽水昏夜

之時光興上照

火井在邛州西八十里博物記云臨邛火井深二三丈以竹木投取火後

人以火燭投井中火即滅絕不復燃又蜀都賦注先以家火投之須叟光焰上騰以竹筒盛之接其光而無炭也取井火還燭井水一斛水得四五斗鹽家火煮之不過二三斗鹽耳江水又逕江

鄉縣王莽更名邛原也

按漢志蜀郡江原王莽曰鄯邛原此云江鄉當作原

江水焉

江原今為成都府崇慶州漢志江原縣鄯水水首受江南至武陽入江武陽今眉州及新

津仁壽井江水又東北逕郫縣下今屬成都府故城在縣北五十步杜

宇所都張儀始築城晉時李雄自稱益州牧都郫即此縣民有姚精者為叛夷

所殺掠其二女二女見夢其兄當以明日自沈江中

後日當至可伺候之果如所夢得二女之尸于水郡

縣表異焉江水又東逕成都縣成都故城即今縣治蜀王開明所都也秦

置成都縣漢末益州治此晉以後並因之唐宋元明為成都治所本朝因之縣以漢武帝

元鼎二年立縣有二江雙流郡下故揚子雲蜀都賦

曰兩江躡其前者也風俗通曰秦昭王使李冰為蜀

守開成都兩江溉田萬頃神歲取童女二人為婦冰
以其女與神為婚經至祠前勸神酒酒杯恒澹澹冰
厲聲以責之因忽不見良久有兩牛鬪于江岸傍有
間冰還流汗謂官屬曰吾鬪疲極當相助也南向腰
中正白者我綬也主簿刺殺北面者江神遂死蜀人
慕其氣決凡壯健者因名冰兒也秦惠王二十七年
遣張儀與司馬錯等滅蜀遂置蜀郡焉王莽改之曰
導江也儀築成都以象咸陽晉太康中蜀郡為王國

更為成都內史益州刺史治地理風俗記曰華陽黑

水惟梁州漢武帝元朔二年改梁曰益州以新啓隸

為牂牁

今四川馬湖遵義及雲南臨安等府

越雋州

今四川寧番衛及雲南楚雄府定遠

等縣

之疆壤益廣故稱益云初治廣漢之雒縣

今成都府

金堂縣

後乃徙此故李固與弟圖書曰固今年五十七

鬢髮已白所謂容身而遊滿腹而去周觀天下獨未

見益州耳昔嚴夫子常言經有五涉其四州有九遊

其八欲類此子矣初張儀築城取土處去城十里因

以養魚今萬頃池是也

明一統志作萬歲池在成都府城北一十里張儀築城取

土于此因以成池廣袤數十里溉三鄉田萬頃

城北又有龍堤池城東有千

秋池西有柳池西北有天井池津流經通冬夏不竭

西南兩江有七橋直西門郾江冲里橋

華陽國志作冲治橋

西

南石牛門曰市橋吳漢入蜀自廣都令輕騎先往焚

之橋下謂之石犀淵李冰昔作石犀五頭以厭水精

穿石犀渠于南江命之曰犀牛里後轉犀牛二頭在

頭中

宋本作在府中

一頭在市橋一頭沈于淵也

明一統志石犀在成都